






 KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
	NA	0103	01	

PRAVILNIK O PRODAJI ŠUMSKIH DRVNIH SORTIMENATA
KJP «SARAJEVO-ŠUME» D.O.O. SARAJEVO

Strana:
1 od 11

PRAVILNIK **O PRODAJI ŠUMSKIH DRVNIH SORTIMENATA** **KJP "SARAJEVO-ŠUME" D.O.O. SARAJEVO**

U ovom dokumentu sve strane imaju istu reviziju

				
				Kečo Hidajeta, dipl.ecc.
				
				Alispahić Nevres, dipl.ing.šum.
				
0	14.10.2016.g	Kućuk Haša, dipl.pravnik	Kečo Hidajeta, dipl.ecc.	mr.sci. Nermin Demirović, dipl. ing. šum.
Rev	Datum	Izradio (Ime,Potpis)	Verifikovao (Ime Potpis)	Odobrio (Ime, Potpis)

REVIZIJE DOKUMENTA

 KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
	NA	0103	01	
PRAVILNIK O PRODAJI ŠUMSKIH DRVNIH SORTIMENATA KJP «SARAJEVO-ŠUME» D.O.O. SARAJEVO				Strana: 2 od 11

Na osnovu Odluke o načinu prodaje šumskih drvnih sortimenata porijeklom iz državnih šuma na teritoriji Federacije Bosne i Hercegovine („Službene novine Federacije BiH“, broj: 52/09 i 25/10), člana 40. Statuta Kantonalnog javnog preduzeća za gospodarenje državnim šumama «Sarajevo-šume» d.o.o. Sarajevo, broj: OPU-IP-1376/09 od 12.11.2009. godine, Odluke Nadzornog odbora KJP „Sarajevo-šume“ d.o.o. Sarajevo, broj: 0102-2096-2/16 od 21.09.2016. godine i člana 4. Poslovnika o radu Uprave KJP „Sarajevo-šume“ d.o.o. Sarajevo, broj : 0102-924-1/10 od 09.03.2010.godine, Uprava KJP „Sarajevo-šume“ d.o.o. Sarajevo na 84 (osamdesetčetvrtoj) sjednici održanoj dana 14.10.2016. godine, donijela je

P R A V I L N I K

o prodaji šumskih drvnih sortimenata KJP «Sarajevo-šume» d.o.o. Sarajevo

I UVOD

Član 1.

Ovim Pravilnikom KJP „Sarajevo-šume“ d.o.o. Sarajevo (u daljem tekstu: Preduzeće) propisuje način prodaje šumskih drvnih sortimenata porijeklom iz državnih šuma kao obavezu transparentnog i tržišnog postupanja, ciljeve, način i opće uslove prodaje, obaveze, odgovornosti i sankcije za nepoštivanje propisa, računanje minimalne cijene i njeno ugrađivanje u Jedinstveni minimalni cjenovnik KJP „Sarajevo-šume“ d.o.o. Sarajevo na kraju svake poslovne godine.

Član 2.

Pod prodajom šumskih drvnih sortimenata podrazumijeva se prodaja šumskih proizvoda pravnim i fizičkim licima na način i pod uslovima iz ovog Pravilnika.

I.a. Ciljevi

Član 3.

Preduzeće uspostavlja sistem prodaje drveta porijeklom iz državnih šuma, koji mora obezbijediti slijedeće:

1. Razviti tržište drvetom, uspostaviti tržišne cijene i omogućiti svim zainteresovanim kupcima da pod istim tržišnim uslovima mogu kupiti šumske drvene sortimente za koje su zainteresovani,
2. Omogućiti da cijene u potpunosti diktira tržište,
3. Izgraditi sistem prodaje koji isključuje nezakonite radnje i odlučivanje pojedinaca kod izbora kupaca i određivanju cijena, te raspodjelu količina po kupcima,
4. U potpunosti razdvojiti administrativne od ekonomskih funkcija;
5. Isključiti mogućnost ostvarivanja „ekstra-profita“ kupaca po osnovu favorizovanih ili privilegovanih,
6. Spriječiti nelegalne aktivnosti i iste sankcionisati.

I.b. Način prodaje

Član 4.

Prodaja (kupovina) šumskih drvnih sortimenata iz državnih šuma se vrši na slijedeće načine:

1. Prodajom putem ugovora za sukcesivnu isporuku,
2. Prodaja licitacijom,

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0103	01	
PRAVILNIK O PRODAJI ŠUMSKIH DRVNIH SORTIMENATA KJP «SARAJEVO-ŠUME» D.O.O. SARAJEVO					Strana: 3 od 11

3. Prodaja za potrebe mjesnog stanovništva – maloprodaja.

Preduzeće će na bazi godišnjeg plana proizvodnje šumskih sortimenata planirati količine šumskih drvnih sortimenata po načinima prodaje.

I.c. Uslovi prodaje

Član 5.

Pravo učešća u kupovini šumskih drvnih sortimenata, imaju sva pravna lica koja ispunjavaju sljedeće opće uslove:

- 1) za prodaju putem ugovora za sukcesivnu isporuku – da posjeduju rješenje o upisu u sudski registar, dokaz o ispunjavanju uslova za obavljanje djelatnosti rezanja drveta, cijepanja drveta, polufinalne, finalne i hemijske prerade drveta, aktivan transakcijski račun kod banke, porezni i PDV broj, potvrda poslovne banke da transakcijski račun pravnog lica nije bio u blokadi u periodu protekla 3 (tri) mjeseca računajući od datuma izdavanja potvrde (potvrda ne može biti starija od 3 (tri) mjeseca računajući od dana predaje ponude, a dostavlja se u formi originala ili ovjerene fotokopije).
- 2) za prodaju licitacijom i prodaju visokovrijednih sortimenata – da ispunjava uslove pod tačkom 1. i /ili da dostave dokaz o ispunjavanju uslova za promet šumskih drvnih sortimenata i PDV broj.
- 3) za sve načine prodaje – da nisu u sudskom sporu sa Preduzećem u vezi isporuke/nabavke drveta, da mogu avansno platiti šumske drvne sortimente ili obezbijediti garanciju plaćanja, da nisu dužnici preduzećima šumarstava što će dokazati svojom izjavom ili da su ranije neisplaćena dugovanja regulisali ugovorom o izmirenju duga odnosno da su uplatili sve dospjele rate po ugovoru.

II NAČIN PRODAJE

II.a. Prodaja putem ugovora sa sukcesivnu isporuku šumskih drvnih sortimenata

Član 6.

Ugovori za sukcesivnu isporuku šumskih drvnih sortimenata sklapaju se sa preduzećima registrovanim za primarnu, polufinalnu, finalnu, hemijsku preradu i cijepanje drveta, koja ispunjavaju opće i posebne uvjete predviđene ovim Pravilnikom:

- 1 da posjeduju Rješenje o upisu u sudski registar,
- 1 da posjeduju dokaz o ispunjavanju uslova za obavljanje djelatnosti rezanja drveta polufinalne, finalne, hemijske prerade i cijepanja drveta,
- 3 da imaju aktivan transakcijski račun kod banke,
- 7 da dostave potvrdu poslovne banke da transakcijski račun pravnog lica nije bio u blokadi u periodu protekla 3 (tri) mjeseca računajući od datuma izdavanja potvrde (potvrda ne može biti starija od 3 (tri) mjeseca računajući od dana predaje ponude, a dostavlja se u formi originala ili ovjerene fotokopije),
- 8 da imaju porezni i PDV broj,
- 6 da ne postoje saznanja da su dužnici preduzećima ili da su ranija neisplaćena dugovanja regulisali ugovorom o izmirenju duga, odnosno da su uplatili sve dospjele rate po ugovoru (dokaz: izjava),
- 1 da nisu u sudskom sporu sa Preduzećem u vezi isporuke/nabavke drveta,
- 8 da su u mogućnosti avansno plaćati šumske drvne sortimente ili obezbijediti garanciju plaćanja za slučaj odgođenog plaćanja.

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0103	01	

PRAVILNIK O PRODAJI ŠUMSKIH DRVNIH SORTIMENATA KJP «SARAJEVO-ŠUME» D.O.O. SARAJEVO	Strana: 4 od 11
---	----------------------------------

Član 7.

Šumski drveni sortimenti koji se prodaju ugovorima za sukcesivnu isporuku su: F, L trupci, pilanska oblovina I, II i III klase, tt stubovi, sitno tehničko drvo, jamsko drvo, drvo za celulozu, drvo za drvene ploče, ogrijevno i drvo za proizvodnju energije.

U slučaju elementarnih nepogoda, poremećaja na tržištu u ponudi i potražnji, kao i u slučaju pojave veće količine sanitarnih užitaka, Odlukom Uprave Preduzeća uz saglasnost Nadzornog odbora Preduzeća utvrdit će se količine drveta za celulozu i jamskog drveta koje će se prodavati putem neposredne pogodbe po cijenama iz važećeg Jedinственог minimalnog cjenovnika Preduzeća.

Član 8.

Prodaja putem ugovora za sukcesivnu isporuku šumskih drvnih sortimenata objavljuje se u najmanje jednom dnevnom listu sa područja F BiH, na web stranici Preduzeća i na oglasnim pločama Preduzeća.

Objava u dnevnom listu može biti u vidu obavijesti o prodaji šumskih drvnih sortimenata sa informacijom da se cijeli tekst objave može naći na web stranici Preduzeća i na oglasnim pločama Preduzeća.

II.a.1. Kriterij za odabir kupaca i raspodjelu raspoloživih količina, a u cilju sklapanja ugovora za prodaju putem ugovora za sukcesivnu isporuku

Član 9.

Kriteriji koji se primjenjuje prilikom bodovanja kupaca, a u cilju sklapanja ugovora o sukcesivnoj isporuci su:

- I. **Ukupan broj zaposlenih** prijavljenih radnika na dan 31.10. tekuće godine kod potencijalnog kupca, a po zvaničnoj evidenciji kod nadležnog organa

Kupac (Qp max) koji ima najveći broj zaposlenih boduje se sa maksimalnih 20 bodova, a svaki drugi kupac (Qp) na slijedeći način:

$$\frac{Qp}{Qp \text{ max}} \times 20 = \text{broj bodova Qp}$$

II. Uslovi plaćanja

Kupac (Qr max) koji nudi 30 dana avansnog plaćanja za preuzimanje drvnih sortimenata na mjesečnom nivou boduje se sa maksimalnih 20 bodova, a svaki drugi kupac (Qr) na slijedeći način:

$$\frac{Qr}{Qr \text{ max}} \times 20 = \text{broj bodova Qr}$$

Kupcima će se ponuditi opcija avansnog plaćanja i to :

- 30 dana
- 15 dana
- 7 dana

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0103	01	

PRAVILNIK O PRODAJI ŠUMSKIH DRVNIH SORTIMENATA KJP «SARAJEVO-ŠUME» D.O.O. SARAJEVO	Strana: 5 od 11
---	----------------------------------

III. Ukupna količina (m³) preuzetih šumskih drvnih sortimenata od KJP „Sarajevo-šume“ d.o.o. Sarajevo u periodu od 01.01. do 31.10. tekuće godine

Kupac (Q_s max) koji je preuzeo najveću količinu ŠDS u navedenom periodu boduje se sa maksimalnih 20 bodova a svaki drugi kupac (Q_s) na sljedeći način:

$$\frac{Q_s}{Q_s \text{ max}} \times 20 = \text{broj bodova } Q_s$$

IV. Ukupna vrijednost avansnih uplata za preuzete šumske drvene sortimente u KJP Sarajevo šume Sarajevo u periodu od 01.01. do 31.10. tekuće godine,
Kupac (Q_v max) koji ima najveći iznos avansnih uplata boduje se sa maksimalnih 25 bodova, a svaki drugi kupac (Q_v) na sljedeći način:

$$\frac{Q_v}{Q_v \text{ max}} \times 25 = \text{broj bodova } Q_v$$

V. Utvrđivanje kapaciteta kupca za preuzete šumske drvene sortimente u periodu od 01.01. do 31.10. tekuće godine

Kupac (Q_k max) koji ima najveći procenat realizacije ugovora za preuzimanje šumskih drvnih sortimenata boduje se sa 15 bodova , a svaki drugi kupac (Q_k) na sljedeći način:

$$\frac{Q_k}{Q_k \text{ max}} \times 15 = \text{broj bodova } Q_k$$

Svaki novi kupac koji se prijavi na javni oglas i zainteresovan je za kupovinu ŠDS, a koji nije imao zaključen ugovor sa KJP „Sarajevo-šume“ d.o.o. Sarajevo, boduje se sa maksimalnih 10 bodova.

Ukupna količina bodova za svakog kupca bi bila jednaka zbiru dobijenih bodova za svaki od navedenih kriterija.

Vrijednost boda bi se dobila stavljanjem u omjer ukupno raspoložive količine sa ukupnim brojem bodova svih kupaca x ostvareni broj bodova pojedinačno za svakog kupca.

Kupci koji godišnje kupuju šumske drvene sortimente do 100 m³ ne moraju zaključivati ugovor o prodaji šumskih drvnih sortimenata, već se prodaja vrši na izdavanje predračuna i avansnog plaćanja uz prethodnu dostavu zahtjeva kupca ili narudžbenice.

Kupci sa kojima se zaključi ugovor, koji su zainteresovani za kupovinu trupaca samo I ili II, ili I i II klase ili specijalnih dimenzija u količinama do 100m³ uvećava se cijena 20%, a za količine preko 100m³ cijena se uvećava za 30%, a što će se regulisati ugovorom.

Član 10.

Direktor Preduzeća uz saglasnost članova Uprave Preduzeća Rješenjem će imenovati Komisiju za prodaju šumskih drvnih sortimenata putem ugovora za sukcesivnu isporuku (u daljem tekstu: Komisija).

Član 11.

Zadatak Komisije iz člana 10. ovog Pravilnika je:

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0103	01	
PRAVILNIK O PRODAJI ŠUMSKIH DRVNIH SORTIMENATA KJP «SARAJEVO-ŠUME» D.O.O. SARAJEVO					Strana: 6 od 11

- a. da javno otvori prispjele ponude
- b. da izvrši bodovanje u skladu sa članom 9. ovog Pravilnika
 - da utvrdi prijedlog Liste kupaca sa količinama šumskih drvnih sortimenata po kupcu na bazi zbrajanja ostvarenih bodova po svim kriterijima iz člana 9. ovog Pravilnika
- c. da o naprijed navedenom sačini Zapisnik koji će dostaviti Upravi KJP „Sarajevo-šume“ d.o.o. Sarajevo na razmatranje i usvajanje

Član 12.

Komisija za prodaju šumskih drvnih sortimenata putem ugovora za sukcesivnu isporuku dostavlja Zapisnik Upravi KJP „Sarajevo-šume“ d.o.o. Sarajevo, koja isti nakon usvajanja dostavlja Nadzornom odboru KJP „Sarajevo-šume“ d.o.o. Sarajevo na konačno usvajanje.

Član 13.

Odluka o dodjeli ugovora o prodaji šumskih drvnih sortimenata putem sukcesivne isporuke donosi se na osnovu Odluke Uprave i Nadzornog odbora KJP „Sarajevo-šume“ d.o.o. Sarajevo, te Zapisnika Komisije za prodaju šumskih drvnih sortimenata putem ugovora za sukcesivnu isporuku.

Član 14.

Na odluku o dodjeli ugovora o prodaji šumskih drvnih sortimenata putem sukcesivne isporuke ponuđači imaju pravo prigovora Nadzornom odboru KJP „Sarajevo-šume“ d.o.o. Sarajevo u roku od 3 (tri) dana od dana prijema iste.

II.a. 2. Početna cijena, kupoprodajna cijena i uslovi plaćanja

Član 15.

1. Osnovna, odnosno početna cijena za zaključivanje ugovora ne može biti niža od cijena utvrđenih Jedinstvenim minimalnim cjenovnikom Preduzeća.
2. Cijene se odnose na prodaju drveta sa šumskog stovarišta.
3. U slučajevima značajnih poremećaja na tržištu (veliko povećanje cijena sirovina i materijala neophodnih za proces proizvodnje šumskih drvnih sortimenata) u odnosu na uslove koji se vladali na tržištu u vrijeme zaključivanja kupoprodajnog ugovora, kao i u slučajevima smanjenja potražnje za pojedinim šumskim drvnim sortimentima, Preduzeće zadržava pravo preispitivanja cijena uz saglasnost Nadzornog odbora.
4. Cijene šumskih drvnih sortimenata se mogu ugovoriti da budu veće od predviđenih u cjenovniku.

Član 16.

Dinamike isporuka ugovorenih količina šumskih drvnih sortimenata sačinjavaće se unaprijed za period od jednog mjeseca uz obavezu njihovog poštivanja. O eventualnim opravdanim promjenama u dinamikama Preduzeće kao prodavac će blagovremeno obavijestiti kupce, a što će biti definisano kupoprodajnim ugovorom.

Izradu i dostavu dinamika isporuka šumskih drvnih sortimenata, a na bazi ugovorenih količina i dispozicija odobrava Uprava Preduzeća.

Dinamike se sačinjavaju kao zbirne (obuhvaćeni su svi kupci).

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0103	01	

PRAVILNIK O PRODAJI ŠUMSKIH DRVNIH SORTIMENATA KJP «SARAJEVO-ŠUME» D.O.O. SARAJEVO	Strana: 7 od 11
---	----------------------------

Kupcu se dostavlja pojedinačna dinamika, kao izvod iz zbirne dinamike, koji se tiče isporuka konkretno za njega tokom mjeseca na koji se odnosi.

Na bazi usaglašenih dinamika sačinjavaće se dispozicije za organizacione jedinice koje treba da ih realizuju.

Kupcima koji ne preuzmu robe prema utvrđenim dinamikama, Preduzeće nije dužno obezbjediti nepreuzete količine u narednom periodu. Nepreuzete količine od strane određenih kupaca ponuditi će se neposrednim ugovaranjem drugim kupcima pod istim uslovima na osnovu izvještaja koji će se sačiniti na dan 30.06. i 30.11. tekuće godine.

Uprava Preduzeća prati poštivanje usaglašenih dinamika i izvršenju ugovorenih obaveza, kako od strane kupaca, tako i od strane lica zaduženih za realizaciju dispozicija.

II. b. Prodaja licitacijom – javnim nadmetanjem

Član 17.

Licitacija podrazumijeva prodaju određene količine šumskih drvnih sortimenata po osnovu najveće ponuđene cijene.

Licitacija/javno nadmetanje se mora objaviti tako da je dostupno svim potencijalnim kupcima. Objavljuje se u najmanje jednom dnevnom listu koji se distribuira na području Federacije BiH, web-stranici i na oglasnim pločama Preduzeća, a provodi se na slijedeće načine:

1. Predprodaja,
2. Naknadna prodaja,
3. Prodaja visokovrijednih sortimenata – submisija.

Objava u dnevnom listu može biti u vidu obavijesti o prodaji šumskih drvnih sortimenata sa informacijom da se cijeli tekst objave može naći na web-stranici i na oglasnim pločama KJP „Sarajevo-šume“ d.o.o.Sarajevo.

II.b.1. Predprodaja

Član 18.

Predprodaja je prodaja svog drveta iz jednog odjela prije izvođenja radova. Kupac preuzima sve sortimente po sortimentnom napadu na šumskom stovarištu. Preduzeće vlastitim sredstvima ili angažovanjem registrovanih izvođača posiječe, izradi i izvuče/iznese drvene sortimente. Krojenje, klasiranje i primanje drvnih sortimenata kod panja, te njihovu otpremu vrši prodavac. Preduzeće vrši nadzor nad poslovima sječe, izrade i izvlačenja/iznošenja šumskih drvnih sortimenata.

Kod ovog vida prodaje, prilikom ugovaranja će se utvrditi način i obroci plaćanja, iznosi avansa i količina otpremljenog drveta za koje se plaća avans.

II.b.2. Naknadna prodaja – licitacija na stovarištu

Član 19.

Naknadna prodaja je prodaja šumskih drvnih sortimenata po klasama i mjerama na šumskom ili centralnom stovarištu putem licitacije-javnim nadmetanjem.

Preduzeće je obavezno ovim vidom prodaje ponuditi najmanje 20 % klasiranih šumskih drvnih sortimenata tehničke oblovinе u skladu sa mjesečnom dinamikom proizvodnje.

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0103	01	
PRAVILNIK O PRODAJI ŠUMSKIH DRVNIH SORTIMENATA KJP «SARAJEVO-ŠUME» D.O.O. SARAJEVO					Strana: 8 od 11

Svo «deklasirano drvo» **obavezno se** prodaje naknadnom prodajom – licitacijom.

Član 20.

Preduzeće će u najmanje jednom dnevnom listu sa područja Federacije BiH, na web stranici i oglasnim pločama Preduzeća objaviti Javni oglas o prodaji šumskih drvnih sortimenata putem javnog nadmetanja-licitacijom.

Javni oglas, pored ostalog, obavezno sadrži i :

- Lokaciju odjela, međustovarišta ili Centralnog stovarišta,
- Vrstu drveta,
- Kvalitativnu strukturu šumskih drvnih sortimenata,
- Količine iskazane u m³,
- Tačan datum i vrijeme licitacije,
- Mjesto licitacije,
- Vrijeme dostavljanja prijava,
- Vrijeme otvaranja ponuda,
- Termin, lokaciju i kontakt osobu za uvid u ponuđenu robu,
- Početne najniže cijene.

Član 21.

Pravo učešća na licitaciji imaju sva pravna lica koja ispunjavaju uslove za kupovinu licitacijom iz člana 4. tačka 2. ovog Pravilnika i dostave dokaze o uplati novčanog depozita kao potvrdu ozbiljnosti učešća na licitaciji. Visina obaveznog depozita utvrđivaće se za svaki javni oglas posebno i može iznositi najviše 3% od ukupne vrijednosti licitiranog kontigenta šumskih drvnih sortimenata.

Član 22.

Direktor Preduzeća uz saglasnost članova Uprave Preduzeća imenuje Komisiju za provođenje postupka prodaje putem licitacije.

Član 23.

Zadatak Komisije iz člana 22. ovog Pravilnika je :

- Da javno otvori pristigle ponude uz mogućnost prisustva svih zainteresovanih kupaca ili njihovih ovlaštenih predstavnika, te izvrši pregled istih, o čemu će sačiniti Zapsnik koji će dostaviti Upravi Preduzeća.

Član 24.

Najpovoljnijom ponudom smatra se ona kojom je ponuđena najveća cijena. U slučaju dvije ili više istih ponuda daje se mogućnost takvim ponuđačima da se izjasne o eventualnom dodatnom povećanju ponude, pisanim putem u zatvorenim kovertama čije otvaranje će se izvršiti javno, odmah. Ukoliko najpovoljniji ponuđač odustane od kupovine ili ne izvrši uplatu kupoprodajne cijene u utvrđenom roku, uplaćeni depozit se zadržava /ne vraća, a prodaja šumskih drvnih sortimenata će se ponuditi sljedećem najpovoljnijem ponuđaču.

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0103	01	
PRAVILNIK O PRODAJI ŠUMSKIH DRVNIH SORTIMENATA KJP «SARAJEVO-ŠUME» D.O.O. SARAJEVO					Strana: 9 od 11

Član 25.

Pravo učešća u postupku prodaje šumskih drvnih sortimenata putem licitacije-javnim nadmetanjem imaju sva pravna i fizička lica koja ispunjavaju slijedeće opće uslove:

- da posjeduju Rješenje o upisu u Sudski registar ili da dostave dokaz o ispunjavanju uvjeta za promet šumskih drvnih sortimenata,
- da imaju porezni i PDV broj,
- da nisu dužnici KJP «Sarajevo-šume» d.o.o. Sarajevo,
- da imaju aktivan transakcijski račun kod banke,
- da izvrše uplatu propisanog pologa novca kao garanciju ozbiljnosti ponude

II.b.3. Prodaja visoko vrijednih sortimenata

Član 26.

Visokovrijedni sortimenti svih vrsta drveća prodaju se po komadu (trupcu) ili kontigentu, ponuđaču koji ponudi najveću cijenu. Ponuđena cijena ne može biti manja od cijene izračunate na bazi važećeg Jedinstvenog minimalnog cjenovnika Preduzeća.

- Prodaja visoko vrijednih sortimenata se objavljuje putem međunarodnog tendera, u novinama i na Internetu,
- Informacije o prodaji mogu se poslati već poznatim kupcima za koje se pretpostavlja da mogu biti zainteresovani za kupovinu ponuđenih drvnih sortimenata,
- Rok za dostavu ponuda od datuma objavljivanja je petnaest (15) dana,
- Sve prispjele ponude se primaju u Direkciji preduzeća i zatvorene odlažu do datuma otvaranja.
- Ponude koje se predaju poslije krajnjeg roka se neotvorene vraćaju ponuđačima.
- Otvaranje ponuda je javno i na njemu mogu da prisustvuju predstavnici svih zainteresovanih kupaca. Od prisutnih se odabire jedan predstavnik koji će učestvovati u postupku otvaranja ponuda i utvrditi da li je neka ponuda ranije otvarana,
- Nakon otvaranja ponuda sačinjava se zapisnik o provođenju postupka i odabiru kupca ili kupaca.
- Roba se prodaje onome ko je ponudio najveću cijenu. U slučaju dvije ili više istih ponuda daje se mogućnost takvim ponuđačima da se izjasne o eventualnom dodatnom povećanju ponude, pisanim putem u zatvorenim kovertama čije otvaranje će se izvršiti javno, odmah.
- Nakon odabira kupaca isti se pozivaju da izvrše uplate na račun prodavca i da nakon toga mogu pristupiti preuzimanju drveta.
- Do razvijanja sistema prodaja visokovrijednih sortimenata isti će se uključiti u sistem naknadne prodaje / licitacije.

II.c. Prodaja drveta za potrebe mjesnog stanovništva

Član 27.

Ovim načinom prodaje vrši se prodaja šumskih drvnih sortimenata za snadbijevanje mjesnog stanovništva drvetom za vlastite potrebe. Preduzeće će nastojati da udovolji svim potrebama lokalnog stanovništva ukoliko iste ne prelaze planirane količine predviđene šumskogospodarskom osnovom ili godišnjim planom.

Ovim načinom vrši se prodaja ogrijevnog drveta, sitnog tehničkog drveta i tehničke oblovine stanovništvu za vlastite potrebe.

Mjesnom stanovništvu se mogu prodavati sljedeći drveni sortimenti i to pod sljedećim uslovima:

1. Ogrijevno drvo na lokacijama :

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0103	01	
PRAVILNIK O PRODAJI ŠUMSKIH DRVNIH SORTIMENATA KJP «SARAJEVO-ŠUME» D.O.O. SARAJEVO					Strana: 10 od 11

- a) U šumi na panju (uzgojne sječe u visokim degradiranim i izdanačkim šumama i mjere njege u šumskim kulturama). Sječa se kupcu odobrava uz prethodno odabiranje i obilježavanje stabala za sječū. Nadzor nad sječom, izradom i izvlačenjem ili iznošenjem drveta do međustovarišta vrši prodavac, kao i premjeravanje i obračun sredstava za uplatu. Po izvršenoj uplati i predočavanju uplatnice od strane kupca drvo se može staviti u promet uz odgovarajući otpremni dokument.
- b) Na međustovarištu se ogrijevno drvo prodaje i stavlja u promet nakon izvršene uplate i predočavanja uplatnice od strane kupca uz odgovarajući otpremni dokument.
- c) Sabir iza redovnih sječa u visokim šumama može se odobriti kupcima tek nakon okončanja redovnih sječa i izvlačenja šumskih drvnih sortimenata. Šef nadležne šumske uprave formirat će komisiju koja će utvrditi da li se radovi u konkretnom odjelu završeni i izvršiti procjenu drvne mase koja se može prodati lokalnom stanovništvu kao sabir iza industrijskih sječa. Komisija je dužna da o utvrđenom stanju sačini zapisnik i dostavi ga šefu šumske uprave. Kupac će po uputstvima i uz nadzor prodavca izvršiti sabiranje i izvlačenje/iznošenje drveta iz šume do međustovarišta gdje se vrši premjeravanje drveta od strane prodavca. Po izvršenoj uplati i predočavanju uplatnice od strane kupca drvo se može staviti u promet uz odgovarajući otpremni dokument.

2. Sitno tehničko drvo (hmeljovke, kolje, stožine, bunarske motke, pulčevi i dr.) mogu se prodavati na sljedećim lokacijama:

- a) U šumi na panju na isti način i po istim procedurama kao pod 1. a) ovog člana.
- b) Na međustovarištu na isti način i po istim procedurama kao pod 1. b) ovog člana.
- c) Na Centralnom stovarištu kao po 1. b) ovog člana.

3. Tehnička oblovina može se odobriti lokalnom seoskom stanovništvu po važećem Cjenovniku za izgradnju objekata koji su potrebni seoskom stanovništvu (kuća, staja za stoku ili pomoćni objekti) na lični zahtjev, u količini potrebnoj za gradnju planiranog objekta, a najviše do 15 m³, na sljedećim lokacijama:

- u šumi na panju (sanitarne sječe, sječe u cilju vršenja proreda u šumskim kulturama i sječe u izdanačkim šumama) na isti način i po istim procedurama kao pod 1. a) ovog poglavlja. na međustovarištu na isti način i po istim procedurama kao pod 1. b) ovog poglavlja.

Član 28.

Pod viškom raspoloživih količina šumskih drvnih sortimenata podrazumijevaju se količine koje su bile predviđene ugovorenim mjesečnim dinamikama pa nisu preuzete u predhodnom mjesecu , a koje količine su bile ponuđene i drugim kupcima, kao i količine koje su bile ponuđene za prodaju licitacijom a nisu prodate.

Višak raspoloživih količina šumskih drvnih sortimenata se utvrđuje Odlukom Uprave Preduzeća, u skladu sa predhodnim stavom.

III RAČUNANJE MINIMALNE CIJENE

Član 29.

Minimalna cijena će se bazirati na trenutnom važećem Jedinstvenom minimalnom cjenovniku Preduzeća.

U uslovima poremećaja na tržištu drveta Uprava Preduzeća uz saglasnost Nadzornog odbora Preduzeća, može utvrditi nižu cijenu od minimalne u skladu sa uslovima tržišta.

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0103	01	
PRAVILNIK O PRODAJI ŠUMSKIH DRVNIH SORTIMENATA KJP «SARAJEVO-ŠUME» D.O.O. SARAJEVO					Strana: 11 od 11

IV ZAVRŠNE ODREDBE

Član 30.

Za manje vrijedne šumske drvene sortimente koji prema kvalitetu i dimenzijama nisu obuhvaćeni standardima koje Preduzeća primjenjuju pri izradi Jedinstvenog minimalnog cjenovnika, ali za koje određeni kupci pokazuju interes (biomasa za proizvodnju energije i sl.), Nadzorni odbor Preduzeća će dati saglasnost na cijene prije ugovaranja prodaje.

Član 31.

U cilju kvalitetnijeg krojenja i klasiranja šumskih drvnih sortimenata kao i korišćenja posjećene drvene mase Preduzeća će izvršiti obuku krojača i otpremača. Obuka će se sprovesti prema Programu i planu koji će sačiniti stručni kadrovi Preduzeća koje će rješenjem imenovati Direktor Preduzeća. Program i plan će sadržavati teoretsku i praktičnu obuku i biće odobren od strane Direktora Preduzeća. Provjera stečenih znanja izvršiće se od strane Komisije koju će imenovati Direktor Preduzeća. Radnici koji pokažu zadovoljavajući nivo usvojenih znanja dobiće pisano uvjerenje o položenom stručnom ispitu – Certifikat internog karaktera i predstavljaće uslov za obavljanje poslova krojača i otpremača šumskih drvnih sortimenata. Svake godine vršiće se provjera stečenih znanja i ocjena njihove primjene u praksi a u cilju produženja važnosti uvjerenja.

Član 32.

Nadzor nad primjenom ovog Pravilnika vrše Uprava i Nadzorni odbor Preduzeća.

Član 33.

Sve što nije obuhvaćeno ovim Pravilnikom, a u interesu je Preduzeće, regulisaće se posebnom odlukom Uprave i Nadzornog odbora Preduzeća, pod uslovom da takve odluke i akti nisu u suprotnosti sa odredbama ovog Pravilnika i Odlukom o načinu prodaje šumskih drvnih sortimenata porijeklom iz državnih šuma na teritoriji Federacije Bosne i Hercegovine («Službene novine F BiH, broj 52/09») i Odlukom o izmjenama i dopunama Odluke o načinu prodaje šumskih drvnih sortimenata iz državnih šuma na području Federacije Bosne i Hercegovine («Službene novine F BiH, broj 52/10»).

Član 34.

Stupanjem na snagu ovog Pravilnika prestaje da važi Pravilnik o prodaji šumskih drvnih sortimenata «Sarajevo-šume» d.o.o. Sarajevo broj: 0103-211-2/11 od 10.02.2011. godine, Pravilnik o izmjenama i dopunama Pravilnika o prodaji šumskih drvnih sortimenata «Sarajevo-šume» d.o.o. Sarajevo broj: 0103-211-3/11 od 12.07.2011. godine, Pravilnik o izmjenama i dopunama Pravilnika o prodaji šumskih drvnih sortimenata «Sarajevo-šume» d.o.o. Sarajevo broj: 0103-211-4/11 od 18.10.2011. godine i Pravilnik o izmjenama i dopunama Pravilnika o prodaji šumskih drvnih sortimenata «Sarajevo-šume» d.o.o. Sarajevo broj: 0103-211-6/11 od 6.12.2013. godine.

Član 35.

Ovaj Pravilnik objavljuje se na oglasnoj ploči Preduzeća i stupa na snagu 8 (osmog) dana od dana objavljivanja od kada se i primjenjuje.

PREDSJEDAVAJUĆI UPRAVE PREDUZEĆA
DIREKTOR
mr.sc. Nermin Demirović, dipl.ing.šum.

Broj: 0103-2096-3/16
Datum, 14.10.2016. godine

	KJP "SARAJEVO-ŠUME" d.o.o. SARAJEVO NORMATIVNI AKTI	Vrsta dok.	Izdavač	RB	Rev
		NA	0103	01	0
PRAVILNIK O PRODAJI ŠUMSKIH DRVNIH SORTIMENATA KJP „SARAJEVO-ŠUME“ D.O.O. SARAJEVO					Strana: 1 od 1

Utvrdjuje se da je Pravilnik o prodaji šumskih drvnih sortimenata KJP „Sarajevo-šume“ d.o.o. Sarajevo, broj: 0103-2096-3/16 od 14.10.2016.godine, objavljen na oglasnim pločama Preduzeća dana 01.11.2016.godine i stupio na snagu dana 09.11.2016.godine, od kada se i primjenjuje.


DIREKTOR

mr.sci. Nermin Demirović, dipl.ing.šum.